

Min izāmō

Min izāmō, min sindimō,
ūod ārmaz rānda sa,
kus rādanaigās kazābōd
vel vanād, vizād piedāgōd.
Min ārmaz īlmas ūod set sa,
min tōurōz izāmō!

Min izāmō, min sindimō,
ūod ārmaz rānda sa,
kus lāinōd mierstō vīerōbōd
ja rāndan sūdō āndabōd.
Min ārmaz īlmas ūod set sa,
min tōurōz izāmō!

Min izāmō, min sindimō,
ūod ārmaz rānda sa,
kus jelābōd īd kalāmīed,
kis mīer pāl ātō pāvād īed.
Min ārmaz īlmas ūod set sa,
min tōurōz izāmō!

Min izāmō, min sindimō,
ūod ārmaz rānda sa,
kus kūltōb um vel pivā ēļ
– min amā ārmaz rāndakēļ.
Min ārmaz īlmas ūod set sa,
min tōurōz izāmō!